



UKA 2017/88

UKA 2017/89

27/9-2017

Randi Vestergaard Evaldsen

Uunga siunnersuut: Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaat.

(Aningaasaqarnermut Akileraartarnermullu Naalakkersuisoq)

(Siullermeerineq)

Uunga siunnersuut: Pigisanit pissarsiat ilaasa akileraaruserneqartarnerat pillugu Inatsisartut Inatsisaat nr. xx, uu. qqqq 2017-imeersoq.

(Aningaasaqarnermut Akileraartarnermullu Naalakkersuisoq)

(Siullermeerineq)

Demokraatin paasivarput tusarniaavigineqartut amerlanersaasa siunnersuutininut qulaani taaneqartunut atatillugu tusarniaanerp sivikippallaarsimanera naammagittaalliutigisimagaat. Demokraatini sakkortuumik Naalakkersusiut kaammattussavagut isornartorsiuineq ilassilluaqqullugu siunissamilu isumannaarlugu tusarniaavigineqartut sulinerminni pitsaanerusunik atugaqartarnissaat. Kikkut tamat oqartussaaqataanerat tunngavigalugu sulinermi tusarniaaneq pingaarutilerujussuuvoq tamannalu Naalakkersuisut ataqqinerusariaqarpaat.

Ukiorpassuarni imaassimavoq, uangut politikerit innuttaasunut kaammattuisarsimalluta soraarinnngornissaminnut ileqqaassasut. Tunngaviatigut siunnersuineq pitsaasuuvoq, kisianni iluaqutaanngilaq innuttaasut ileqqaakkaminnik akileraarnerusalernissaat kingorna piumasaaqatigisassagutsigu, taamaasillutalu innuttaasut eqqarsarluarlutik akisussaassuseqarlutillu utoqqalinissaminnut ileqqaarnerminni iluanaarutissaannik arsaartulerlugit.

Soorunami inuiaqatigiit iluanaaruteqassapput akileraartalernissamut siunnersuut uku tunngavigalugit. Kisianni Demokraatini takusinnaanngilarput iluanaarutit assersuutigalugu sulinermi akileraarutip appartinnissaanut atorneqartassamaarnersut imaluunniit sulinermi ilanngaammik eqquassinissamut.

Iluarinngilarput imatut isikkoqarmat iluanaarut landskarsimut asuli nakkartiinnarneqartassasoq, atorneqarlunilu inuiaqatigiit ingerlatsinermut aningaasartuutaasa qaffannissaannut. Aningaasaatit ilaannit pissarsianut il.il. akileraarutip qaffannissaanut peqataassagutta taava pequtaassaaq immikkoortuni allani akileraarummik appaanissaq tassanilu eqqarsaatigaarput akissarsianit akileraarutit. Taamaattumik siunnersuut pineqartut akileraartarneq pillugu annerusumik iluarsartuussinissamut ilaasariaqaralarput ataasiaannarluni suliniutitut atorneqaratik.

Taamatut oqaaseqarluta inassutigaarput siunnersuutit tamarmik itigartinneqassasut.